



GEbericus filius fuit Hilderici regis Germaniæ. Hunc eius regionis proceres post patris obitum sibi regem elegerunt. Erat enim singulari prudentia, & magna corporis & animi fortitudine præditus. Itaque Constantinus Imperator, qui per Germanos Rhenum contingentes Imperium nactus fuerat, atque cum ijs pacem firmarat, etiam hunc Gebericum ad Danubium gubernantem, magnis muneribus placavit, atque plurimis donis in foedus pertraxit. Hinc factum ut Germanis notissimus, postea frequenter eorum opera in bellis usus fuerit. Præfecit tum Constantinus Danubiano limiti Fl. Iulium Crispum suum

filium, quem etiam Cæsarem constituit. Huic mandavit ut cum Geberico pacem constitutam conseruaret, atque eius hostes reprimeret. Itaque Gebericus eam felicitatem nactus, suam ditionem legibus excoluit, atque magna gloria d. u. administravit & ampliavit. Auent. lib. 2.